

日本外史

四

和書門			
二	三	一	六
六	二	函	號
一	四	冊	架

內閣文庫			
二	三	一	六
六	二	函	號
一	四	冊	架

內閣文庫	
番號	和 23116
冊數	14 (4)
函號	184 190

史傳載紀



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



日本外志卷之四

明史紀事本末

知不足齋叢書


皇侃論語義疏序
古文孝經序

職方外紀

歷代小史

復齋日記
瑣錄

淺草文庫





日本外志卷之四

明史紀事本末卷五十五

提督浙江學政詹事豐潤谷應泰編著

沿海倭亂

大祖洪武二年夏四月時倭寇出沒海島中數侵掠
蘇州京明故畧居民劫奪貨財沿海之地皆患之大
倉衛指揮僉事翁德帥官軍出海捕之遇於海門之
上幫及其末陣虜兵衝擊之斬獲不可勝計生擒數

北山 山本信有編輯

門人 三島舜臣校錄

百人得其兵器海艘命擢德指揮副使其官拔賞綺幣白金有差仍命德領兵往捕未及請寇三年三月遣萊州同知趙秩持詔諭日本國王良懷令革心歸化日本古倭奴國在東海中縮波而宅日玄菟樂浪底於徐聞東莞所通中國處無慮萬餘里國君君山城所統五畿七道三島為郡五百七十有三然皆依水附嶼大者不過中國一村落而已可七萬課丁八十八萬三千有奇自元師討日本者沒於水不得志日本亦不復來貢至是帝遣使諭降之四年冬十月癸巳日本國王良懷遣其僧祖朝來進

表箋貢馬方物并僧九人未朝又送至明州古州被掠男子七十餘人詔賜文綺答之

十二月詔請海侯吳禎籍方國珍所部溫台慶元三府軍士及蘭秀山無田糧之民嘗元船戶者凡十一萬一千七百餘人隸各衛為軍仍禁濱海民不得私出海時國珍餘黨多入海剽掠故也禎既至三郡每拔私意多引平民為兵頗海大擾寧海知縣王士弘曰吾寧獲死罪不可誣良民為兵即上封事詞甚切上立罷之

六年春正月德慶侯廖永忠上言今北邊遺孽遠道

萬里之外獨東南倭寇負禽獸之性時出剽掠瀕
海之民陛下命造海舟剪捕此寇以奠生民德至盛
也然臣竊觀倭藝竄伏海島因風之使以侵畧來若
奔狼去若驚鳥臣請令廣洋江陰橫海水軍四衛添
造多槽快船令將領之無事則沿海巡徼以備不虞
倭來則大船薄之快船逐之彼欲為內寇不可得也
上從之

七年夏六月倭寇膠海靖海吳禎率沿海各衛兵
捕至琉球大洋獲倭寇人船俘送京師

十三年春正胡惟庸謀叛約日本令伏各貢艘中會

事覺悉誅其卒而罷僧使於陝西四川各寺中示後
世不與通

十七年春正月倭領寇浙東命信國公湯和巡視海
上築山東江南北浙東西海上五十九城咸置行都
同以備倭為名

二十年二月置兩浙防倭衛所

夏四月戊子命江夏侯周德興往福建福興漳泉四
郡祝要害築海上十六城籍民為兵以防倭寇增置
巡檢司四十有五分隸諸衛
二十二年冬十二月倭寇寧海尋犯廣東

二十七年春二月倭寇浙東命都督楊文勳德高
巡視兩浙復命魏國公徐輝祖安陸侯吳傑往浙訓
練海上軍士同楊文等防倭

秋八月命吳傑同永定侯張全往廣東訓練海上軍
士防倭

冬十月倭寇金州

三十一年春二月倭寇山東浙東

成祖永樂元年日本王源道義遣使入貢賜冠服文
綺給金印

四年冬十月平江伯陳瑄督海運至遼東舟還值倭

於沙門追擊至朝鮮境上焚其舟殺溺死者甚衆

九年春正月丙戌命豐城侯李彬平江伯陳瑄等率

浙江福建舟師勦捕海寇

三月中軍都督劉江守遼東不謹仔埃海寇入塞殺

邊軍上怒遣人斬江首既而宥之使圖後效

夏五月倭寇浙東

十四年夏五月敕遼東總兵都督劉江及緝海衛所

備倭寇相機勦捕命都督同知蔡福等率兵萬人

於山東沿海巡捕倭寇

六月倭舟三十二艘泊靖海衛揚付島命福等合山

東都司兵擊之

十二月置遼東金州旅順口望海
沙洲山頭瓜牙山歌臺七所

十五年春正月倭寇浙江松門金鄉平陽

冬十月遣禮部員外郎呂淵等使日本先見帝命太
監鄭和等齎賞諭諸海國日本首先歸附詔厚賚之
封其鎮山賜勘合百道與之期二十年一貢無何捕
倭將士寇數十俘獻京師俱日本人羣臣請誅之以
正其罪上乃遣淵賜救功責之

十七年夏六月遼東總兵都督劉江大破倭寇於望

海塢先是江巡視各島至金州衛金線島西北望海
塢上其地特高廣可馳兵千餘詢諸土人云洪武初
都督耿忠亦嘗於此築堡備倭離金州城七十餘里
凡寇至必先經此實濱海咽喉之地疏請用石壘
堡置炮燉瞭望上從之一日瞭者言東南舉火有光
江討寇將至亟遣馬步官軍赴塢上堡備之翌日倭
寇二千餘乘海艘直逼塢下登岸魚貫行一賊貌惡
揮兵率衆勢銳甚江令犒師秣馬畧不為意以都持
揮徐剛伏兵於山下百戶江隆帥壯士潛燒賊船截
其歸路乃與之約曰旗奉伏起鳴砲奮擊不明命者

以軍法從事既而賊至塙下江被髮奔旗鳴砲伏盡
起繼以兩翼並進賊衆大敗死者橫仆草莽餘衆奔
櫻桃園空堡官軍追圍之將士奮勇請入堡勦殺江
不許特用西歷以待其奔分兩翼夾擊之生擒數百
斬首千餘間有脫走舫者又為隆等所縛無一人逸
者凱還將士請曰將軍見敵意思安爾惟飽士馬及
臨陣作真武披髮狀追賊入堡不救而縱之何也江
曰窮寇遠來必勞且饑我以逸飽饒勞固治敵之
道賊始魚貫而來為蛇陣故披髮作此狀以鎮服之
所以愚士卒之耳目作士卒之銳氣賊既入堡首死

而已我師攻之彼必致必致死未必無傷寇出縱其
生跡即圍師必缺之意此固兵法顧諸君未察耳事
聞上賜敕褒進封江廣寧伯子孫世襲將士賞賚有
差先是元末瀕海盜起張士誠方國珍餘黨導倭寇
出沒海上焚民居掠貨財北自遼海山東南抵閩浙
東粵濱海之區無歲不被其害至是為江所挫斂跡
不敢大為寇然江海稍、侵盜亦不能竟絕
英宗正統四年夏四月倭寇浙東先是倭得我甚合
方物我器滿載而東過官舫矯云入貢我無即肆我
掠貢帛不如期守臣幸無事輒請俯順倭情已而備

禦漸疎至是倭大曷入批清官庾民舍焚劫驅拍手
笑樂得孕婦卜度男女割視中否為勝負飲酒積骸
如陵於是朝廷下詔備倭命重師守要地增城堡謹
作堦合兵分番屯海上寇盜稍息

世是嘉靖二年五月日本諸道爭貢大掠寧波沿海
諸郡邑勤人宋素卿者初奔日本正德六年其國
人源末壽來貢其從父澄識之告素卿附倭狀守臣
以聞置不問其主源義植幼聞不能制命羣臣
爭貢各強給符驗在京北大夫內藝與遣僧宗設在
京北大夫高貢遣僧瑞佐及宋素卿先後至寧波爭

長不相下故事番貨至市船司閱貨及宴生並以先
後為序時瑞佐後而素卿校賄市船大虛先閱佐貨
宴又坐設上設不平遂与佐相讐殺木監又以素卿
故陰助佐授之兵器而設衆強拒殺不已遂燬喜賓
堂劫東庫逐瑞佐及餘姚江佐奔紹興設追之城下
令縛佐出不許乃去詎途殺掠至西霍山洋殺備倭
都指揮劉錦千戶張鏜執指袁璉百戶劉恩父自育
王嶺奔至小山浦殺百戶胡源浙中大震設負固據
海島巡按御史歐珠鎖守太虛梁瑤奏聞逮素卿下
獄待訊倭自是有輕中國心矣給事中夏言上言

倭患起於市舶遂罷之初太祖時雖絕日本四市舶
司不廢市舶故設大倉黃度尋以近京師改設福建
浙江廣東七年罷未幾復設蓋以遷有無之貨省成
身之費禁海賈抑姦高使利權在上也自市舶內臣
出稍之苦之然所當罷者市舶內臣非市舶也至是
因言奏悉罷之市舶罷而利權在下奸豪外交內調
海上無寧日矣

四年二月宋素卿伏誅初宗設通海島不獲獨素卿
及瑞佐下獄會朝鮮兵徹海者得其魁仲林望古多
羅等三十三人國王李懌奏獻闕下於是殺仲林等

至浙責與素卿對簿備鞠遣貢先後及符驗真偽既
悉有司以爰書上請乃論素卿死釋瑞佐還本國
十八年國王源義植復以修貢許之期以十年人無
過百船無過三然該夷嗜中國貨物人歎恒不如約
至奢率遷延不去每失利云

二十五年倭寇寧台自罷市舶後凡番貨至輒至鬪
家鬪率為奸利負其責多者萬金少不下數千恣急
則避去已而主貴官家而貴官家之負甚於鬪番人
近島坐索其負久不得之食乃出沒海上為盜輒搆
難有竹救傷貴官家患之欲其急去乃出危言撼當

事者謂番人伯近島殺掠人而不一兵驅之備倭固當如是耶當事者果出師而先陰戕之以為得利他日貨至且復然如是者久之倭大恨言挾國至貨而來得直為歸報必償取亦金寶以歸固盤據島中不去並海民生計困迫者糾引之失職衣冠士及不得志生儒亦皆與通為之鄉導時之寇沿海諸郡縣如汪五峯徐碧溪毛海峰之徒皆華人僭稱王号而其宗族妻子田庐皆在籍無恙莫敢誰何巡按浙江御史陳九德請置大臣兼巡浙福海道開軍門治兵捕討聽以軍法從事從之乃以朱紘為右副都御史

巡撫浙江兼攝福興泉漳未至而伯寧波台州諸近島者已登岸攻掠詎郡邑無算官民廨舍焚燬至數百千匹巡按御史裴紳劾防海副使沈瀚守土參議鄭世威因乞執紘嚴禁泛海通番勾連至藏之徒從之紘乃下令禁海凡雙檣餘艘一切毀之違者斬乃日夜練兵甲嚴糾察數尋船盜開藪破誅之因上言去外盜易去中國盜難去中國群盜易去中國衣冠難遂鑄暴貴官家渠魁數人姓名請戒論之不報於是福建海道副使柯喬都司盧鍾捕獲通番九十餘人以上紘立決之於滬武場一時諸不使者大詳蓋

是時通番浙自寧波定海閩自漳州月港大率屬諸
貴官家咸憚之重足立相與詆不休諷御史周亮給
事中葉鏜奏改紕為巡視未幾紕復上言長崎諸廠
大俠林叁等号称刺達總管勾連倭舟四港作亂更
巨奸擅造餘艘走賊島為鄉導躡海濱鞠論明確宜
正典刑章下兵部侍郎詹榮覆奏中國待外裔不以
向背責之以昭天地之量紕所論出俱開重刑乞下
都察院覆覈從之於是御史周亮等劾紕注措乖方
專敕啓釁因及福建防海副使柯喬都指揮侯慶鏜
堂紕擅殺宜置於理帝遂棄紕官命還籍聽理遣給

事中杜汝楨往福建會巡按御史陳宗瓌訊喬等併
覆紕事汝楨宗瓌勘信語回柯喬盧鏜擅殺無罪皆
當死奏下兵部尚書下汝瓌如其議上帝從之命喬
鏜繫福建按察司待決紕恚自殺士論惜之遂罪死
撫御史不復設

三十年夏四月浙江巡按御史董威宿應叁前後請
寬海禁下兵部尚書趙錦覆議從之自是舶主土豪
益自喜為奸日甚官司莫敢禁

三十一年夏四月倭寇犯台州破黃巖大掠象山定
海諸邑汪直者徽人也以事亡命走海上為舶主渠

魁倭人愛服之倭勇而懸不甚以死生每戰斬赤體
提三尺刀舞而前無能捍者其魁則皆浙閩人善談
伏能以寡擊衆大群數千人小群數百人而推直為
最徐海以之又有毛海峰彭老生不下十餘帥到近
洋為民害至是登岸犯台州破黃巖四散象山定海
諸心猖獗日甚知事武偉敗死浙東騷動
秋七月廷議復設巡視重臣以都御史王忬提督軍
務巡視浙江海道及興漳泉地方忬巡視撫山東聞
余卽日至浙度所治軍府皆革創而浙人柔脆不任
戰所受簡書輕不足督率吏士乃上疏請假事權誅

賞得便宜且欲嚴內口口口寬損傷之條勦撫勿拘
從之改巡視為巡撫忬乃任參將俞大猷湯克寬為
心膂徵狼土諸兵及募溫台諸下邑築豎少年分謀
諸將布列瀕海各鎮堡嚴督防禦浙人恃以無恐云
三十一年春三月王忬破倭於普陀諸山初忬廉知
俞大猷陽克寬材勇既虛已任之而都指揮盧鍾坐
前都御史朱純事尹鳳坐賊累俱繫忬知其能奏
釋之以為刻將亦募兵分師之日犒撫激勵欲得其
死力倭魁汪直等結紫海中普陀諸山時出近洋襲
官軍忬偵知之乃夜遣俞大猷帥銳兵先發而湯克

寬以臣艘佐之徑趨其營縱火焚之倭倉皇覓餘艘
走官軍隨擊大破之斬首一百五十餘級生獲一百
四十三人焚溺死者無算值颶風發兵亂汪直等乘
間率衆逸去都指揮尹鳳復以同兵邀擊於表頭北
芟諸洋斬首百餘級生獲二百餘人先後以捷聞賜
白金文綺有差

夏四月汪直乞海等既潰散剽忽往來不可測溫令
寧紹俱罹其患春時湯克寬率兵循海埂護城堡捕
奔軼斬獲亦相當於是賊移舟而北犯蘇松郡二郡
素沃饒賊至捆載而去有蕭顯者尤桀後率勁倭四

百餘屠上海之南滙州所逼松江而軍余衆圍嘉定
太倉所過殘掠不可言王好遣都指揮盧鏗信道掩
擊斬蕭顯餘衆後奔入浙俞大猷等邀殺殆盡先是
吳浙間人習選煥而久武大夫復不能以軍法緝下
遂至破昌國臨山霏衢乍清青村柘林吳松江諸衛
所圍海鹽平湖餘姚海寧上海太倉嘉定諸州縣皆
不炊冒刃有所隱沒隨擊走之計倭所得亦不償未
前後俘斬共三千餘級東南賴之
五月給事中賀正奏雷都根本重地海洋密迹鎮江
京口乃江淮咽喉瓜埠儀真又漕運門戶請設總兵

駐鎮江徒之

秋七月太平府同知陳璋敗倭於獨山斬首千餘衆
浮海東道

冬十月倭寇太倉州攻城不克分掠隣境有矢舟倭
三百人突至平湖海鹽等縣自獨山之敗倭東道江
南稍寧惟崇明南泊失風有幾三百人不能去總兵
湯克寬及僉事任環雷守之環屬兵三百皆新募
所以心死不入與家人訣為書赴之而去親介曹臨
陳士無款敢不用命者環歎衣芒屨與士雜行伍依
草舍間噍漕飲水同耳若至是相守不下賊潛出沒

環常夜追之出其前後辜夫佩恐有夫衣環衣介馬
而馳故賊不知所取環嘗匿溝中賊過之不知匿至
明七始得之又遇矢石士以死捍環、被傷昇之至
水濱果已徹大餘趨而過追急辜失雷禦之死焉環
求其首為流涕親酬之相拒數月不克克寬復督邵
漳等兵擊之敗績失亡四百人官軍疫不能攻乃開
壁東南陲倭遂潰圍出掠蘇松各州縣百餘人由華
亭縣滄缺登岸流劫至水涇金山衛後舟伯寶山克
寬引舟師迎擊及於高家嘴斃其舟斬七十三級生
擒十四人倭列隊失風至興化殺千戶葉臣御知府

黃七弘指揮張棟擊殲之時沿海諸奸民乘勢流劫
真倭不過十之二三三十三年三月位自大倉潰圍
出乃掠民舟入海趨江北大掠通州如阜海門諸州
縣復禁掠鹽場貢漂入青徐界有山東大震 政王
予為右副都御史巡撫大同以徐州兵副使李天寵
代之予在浙江屬盧鏜釋柯喬啟請將鄧城劉堂
孫款等爭奮遂死以死綏著節復為偵刺凡沿海大
猾為倭內王有恙擊之按覆其家自是倭不復知中
國虛實與所徒向往而餘艘在海中者亦無以蔽粟
火藥通往之食盡日道之行視諸郡邑未城者討寇

緩急以募城之凡三十餘所杭州官吏以吏以烽火
不時發日集坊民登陴守多怨若特曰吾許堦明無
慮勿及奈何先歆受困耶今罷之一郡皆歆至是去
以徐州兵備副使李天寵為金都御史代予之去而
浙復不寧矣初予薦盧鏜為老將鎮閩人故忌鏜
劾鏜危險不可用罷之而沿海大猾且言特令大猷
搗巢非計歛搖動特不為動已而南京各官復薦
鏜乃用鏜為參將而以愈大猷為直總兵以南京
兵部尚書張經總督浙福南畿軍務時朝議方徵狼
土兵勦倭以經嘗總督兩廣有威惠為狼土所戴服

故用之敕令第制天下之半使宜從事兩府置幕自
辟卷佐經亦慷慨自負中外竹然謂倭寇不足乎
夏四月倭寇自海鹽趨嘉興參將盧鏜禦之稍却次
日復戰於孟宗壩伏殺官軍四百人鬪死無算都
目周應禎等死之賊乘勝入據石墩山分兵四掠攻
嘉興府城副使陳宗瓊帥兵禦却之焚其舟賊遁入
乍浦與長沙灣寇合犯海寧諸縣既而東掠入海至
崇明夜襲破其城知縣唐一岑死之倭自崇明進薄
蘇州大掠

六月倭自吳江掠嘉興都指揮復光禦之背王江涇

而陣倭鼓譟而前我兵大潰光急入舟中大歎擊敗
之於吳淞所擒七人斬二十三級

八月倭寇自嘉興還化採陶港柘林諸處進薄嘉定
會募兵參將李逢時許國以山東民鎗千六千人至
與賊過於新涇橋進時率麾下先進敗之賊退據羅
店官軍追及之斬八十餘人許國恨逢時與同事不
約已乃別從間道擊賊歟今逢時切追至採陶港乘
勝深入伏起大潰溺水死者千人指揮劉勇等死之
工部侍郎趙文華上言倭寇猖獗請禱祀東海以鎮
之帝命往祀兼督察沿海軍務文華至浙奏輟官吏

公私告擾益無寧日
三十四年柘林倭棄舟犯乍浦海寧攻陷崇德轉掠
塘西新市橫塘雙林烏鎮杭城數十里外流血成川
巡撫李天寔束手無策惟募人縋城自燒附郭民居
而已張經駐喜興援兵亦不時至副使院鴉僉事王
詢竭力禦之僅免失陷致仕僉都御史張濂目擊時
事瀟之乃上言臣本杭人頃復家居五載頗知海寇
始末始以海禁乍嚴遂致倡獩而督撫因循玩愒養
成賊勢夫堂之會城閉門旬日已有岳破之勢是以
意得志滿而去吏無一兵一旅阻其去來賊寇野心

欲加鎔鑿能保其不復至哉臣恐賊退之後又復收
拾傷殘首級虛張功次以欺階下仍有從而庇之者
則罰之典又移而為賞功之率矣臣寓父母之邦同
舟共濟志惟切於報君嫌何避於出位敢以三策為
階下陳之一日重軍法以作積弱之氣士惟力戰而
後克歎亦惟畏法而後力戰今江南非無義勇也迎
敵九死退走十生何惟其有退而無進哉軍法之行
不在行陣而在平時誠將必死之士萬丈海寇百萬
不定平矣一日選民兵以收必勝之功夫江南衛所
已成虛設地方有急輒假外兵糊口而來原非義勇

掉臂而去莫可勾查臣愚以為莫若盡散調募之兵
專責州縣伍保伍吏番較閱欺於不擾一遇有警按
籍而呼共保身家魁小則率衆以攻之大至則堅壁
以守之一日復海市以散徒賊之黨夫海市舊制原
非鄴設向使瀕海之軍衛如故則市舶未為害也惟
武備日弛不能制變而後海禁漸嚴倭寇之食海寇
由之以起惟軍民既練寇掠則懼遭斬獲久易則可
保首領被雖至愚必不以彼易此然後相機稍復海
市之舊不惟散已聚之黨而瀕海窮民假此為生又
足以收未潰之人心

夏四月廣西田州土官婦瓦氏引狼土兵至蘇州
總督張經命諱總兵俞大大猷等殺賊時倭據川沙
窪拓林為巢經冬涉春新倭日至地方甚恐聞狼兵
至人心稍安賊合衆三千過金山衛俞大大猷遣游擊
白法及瓦氏兵邀之稍有斬獲趙文華至松江因謂
狼兵可用厚犒之使擊賊至漕涇遇倭數百人戰不
勝頭目鍾富黃維等十四人但死矢止甚衆於是賊
知狼兵不足畏復縱掠如故倭犯江北淮揚諸處
前後由通州之餘東場海門之東夾港登岸流劫狼
山利河諸鎮呂四鉢西諸場復突入通州南門燒民

屋二十餘間而去三大浦倭賊分掠嘗熟江陰打鎮
兵備任環督保靖土兵及知縣王秩統兵三千攻其
巢破之賊奔江陰川沙窪駕舟出海官兵縱火焚其
巢賊舟一至戚家墩擊白法劉恩邀獲之江陰賊亦
出江東遁

五月張經破倭於王江涇連經及巡撫都御史李天
寵俱下詔獄論死初經至浙中用將佐何御沈希儀
輩名位已抗驕不為用而新拔士又慄懼不任兵所
徵田州兵瓦氏山東鎗手俱不受律連戰敗血望大
損侍郎趙文華出視師頗指凌經自以大臣位出久

華上父華恚則連疏劾經謂其方足辦賊特以閩人
避賊讐故縱賊耳帝大怒會臺諫亦有言者趙官拔
遂捕經時倭寇自柘林犯嘉興經遣參將盧鏜督狼
土兵水陸攻之大陸攻之大敗賊於石塘灣敗北走
平望俞大猷邀擊奪平望至王江涇永順宜慰官舍
彭翼南攻其前保靖宜慰使彭蓋臣躡其後遂大敗
之斬首二千級溺死者稱是餘衆奔柘林縱火焚其
巢駕舟二百餘艘出海遁自有倭患來此為戰功第
一而文華論經之疏已上矣旋聞兵科言宜留經平
倭以自贖不聽并李天寵湯克寬俱逮至京以縱寇

論此久業既疏劾經奏以巡按御史胡宗憲為金都
御史代天寵巡撫而以周珣代經未幾復罷珣以南
京戶部侍郎楊宜為總督倭寇自海洋突犯蘇州
南京都督周于德未援一戰而敗鎮撫蘇憲臣被殺
賊中分其衆一由胥門撞馬頭而北轉掠許墅開長
洲五都地一由胥門水壩而南轉掠吳縣橫鎮蔓延
嘗熟江陰無錫之境出入太湖莫能禦者御史屠
仲律上言宜守平陽港扼黃花澳據海門之險則不
得他溫塞寧海關絕湖口灣過三江之口則不得
窺寧紹扼蟹子門則不得近杭州防吳淞江備劉家

何則不得掩蘇杏嘉興責江南守令以訓練土兵保
全境內為殿最江海沙民鹽徒及打生年宜收錄併
力禦賊詔從之川沙倭賊犯閘港周浦僉事董
邦政遊擊周藩擊之遇賊驚潰藩被創死賊化石塘
橋流劫崑山石浦

六月倭寇蘇常諸縣嘗熟知縣王秩江陰知縣錢鐸
及居鄉各政錢洋各督士民出禦力屈死之旋復寇
蘇州民爭入城門不啓號呼震野來降者望之而嘆
攀援上者又絕絕而下仕環還自儀真曰奈何坐視
之縱有覘謀我在無患也乃出辟門令男女以列進

所活蓋數萬人復率解明道兵出城力戰賊退入大
湖遣舟師邀之乃棄所獲逸去環以功進副使環復
擊賊馬蹟山圍北倭嘉定民家投火蕪之盡死既而
有親喪詔留之任事如故

八月倭賊百餘自土虞壽谿所登岸犯會稽高埠奪
民居據之知府劉錫千戶徐子懿圍之賊潛縛木筏
由東河夜渡潰圍而出居鄉御史錢鏞遭於煙浦見
救賊自杭州西掠於潛昌化至嚴明淳安以浙兵迫
急突入歙縣流劫至南陵趨太平樸江兵拒之賊引
而東犯江寧鎮指揮朱襄率勇士數百人禦之是時

賊已至板橋襄等不知方祖錫縱酒奕遇各為所殲
遂由安德鳳臺夾岡沿鄉搶掠趨秣陵圍時應天府
推官羅節卿指揮徐承宗率兵千人守關望風奔
潰賊過關而去自南京出秣陵流劫溧水溧陽趨宜
興無錫一晝夜奔一百八十里至許墅圍南直巡撫
曹邦輔慮與柘林賊合且為大患乃親督兵備王景
古會集各部兵扼其東路四面蹙之墮地與戰親召
僉事董邦政指揮樓宇以沙兵助勦一戰斬首十九
級賊始却奔吳舍欲走太湖覺之追及於楊家橋尽
殲其衆賊自紹興高埠流劫杭嚴徽寧太平犯南都

六七十人經行數千里殺傷無慮四五百人歷八十餘日始滅邦輔以捷聞歸功急趨赴之北奏則邦輔已先之文華怒會柘林賊進據陶家港文華乃悉簡浙兵得四千人文華及胡宗憲親將之營於松江之磚橋約邦輔以直兵會勦浙兵分四道直兵分三道東西並進賊悉銳衝浙兵諸營皆潰損失軍七十餘人直兵亦陷賊伏中死者三百餘人賊勢大張文華恨邦輔至是乃以罪去之及僉事邦政詔下邦政總督速回既而刑科給事中孫濬言後期之罪不在直兵今蘇松士民交稱邦輔實仁任事而流劫留之倭

又為邦輔所滅功績顯然遽請罪介文華非是兵科給事中夏枝亦言之上乃申餘文華乘公視師大赦已而邦政及指揮樓宇賞竟不及文華惡之也邦輔施亦譎成邊巡按直隸御史張雲路為論奏不報

十一月徵狼士請兵土兵瓦氏等至浙驕悍不受約束所過殘掠百姓苦之於是總督楊宜力請止徵從之命兩廣督臣隨路制止

閏十一月給事中孫濬上言防倭諸臣既有巡撫總兵又有總督及都察院重臣事權不一掣靡定迄

無成功兵部覆奏請臣職守督察主竭忠討寇寔
布聞總督主徵集官兵指授方畧巡撫生督理軍務
措置糧餉總兵主設法教練身親戰陣至於有司責
在保安地方固守城隍帝然之命行諸臣各遵敕諭
施行

十二月趙久華疏乞還京許之文華初奉命至浙逼
復兵瓦氏等至知倭厚言銳意請戰文華惑之亟趨
張徑進戰不得則上書痛詆經被逮代經者周璠揚
宜皆無遠畧賊勢益熾及瓦氏戰賊攻陶宅餘倭復
大竄始知賊未易圖有歸志至是以兵破周浦賊俞

大猷復有海洋之捷久華遽言水陸成功請還然是
時海洋倭泊浦東川沙霍舊巢及嘉定高橋皆倭
據如故副使任選率永順保請土兵勦新場倭寇
時賊衆二千人皆伏不出而詐令人舉火於數里外
若將引去者土倉彭翹先入嘗之不見一人於是顯
目田苗田豐等入伏衆皆死之賊奔突去未幾復攻
上海環以輕兵三百及之擊敗於五重橋習家墳又
以兵援崑山而身間行抵太倉毛家葛隆諸屯賊乃
會集治攻具衝梯隊遁肉薄而登環率死十飛刃砍
之連碎其首矢石交下相殺傷甚衆又縋兵下突而

前賊漸氣棄遂棄委走環既居憂哀毀又積苦兵間
疾作卒

三十五年春五月巡按御史周如斗奏總督楊宜提
曹邦輔輕率寡謀致羽兵敗於東溝苗兵敗於新塢
東兵敗於四橋乞罷黜時上以南寇為憂疑趙久華
言銖魁時賊為不實屢問大學士高、曲為營解上
意終不釋久華懼因言銖魁指日可滅督撫非人一
敗塗地皆因吏部尚書李默恨臣前歲劾其同鄉張
經思為報復臣經論曹邦輔則啖給事夏批孫濟媒
孽臣及胡宗憲黨曹邦輔浙直總督又不用宗憲而

用王誥然則東南塗炭何時可解陛下宵旰何時可
釋也默因得罪宜削籍為民邦輔亦被逮罷王誥以
宗憲為兵部侍郎兼僉都御史

夏四月倭薄温州同知黃釗馳檄出迎擊被執倭欲
還之索千金為贖釗罵之不置倭怒磔殺之 江北
倭流劫至圖山、北等港無為州同知存恩率舟師
迎戰敗之斬首百餘級恩長子尚文次子嵩叔仲實
子寶榮姪慎宣友良大御孫童俱在行間嵩年七八
驍勇善射獨前追賊至安港思等從之伏殺思及其
家丁錢鳳等二十一人力戰皆死之獨嵩慎宣三人

得脫賊遂乘勝至金山殺鎮江千戶沈宗王五世良
於江中倭率衆數千自乍浦入歙犯杭州游擊將
軍宗礼師兵九百禦之逆戰於皂角林分左右翼夾
擊三戰三捷獲首功七十餘級賊首徐海等皆辟易
稱為神兵會橋陷軍潰禮與鎮撫侯槐何衡義官霍
貫道力戰俱陷陣死之禮驍勇敢戰所部箭手三千
人皆北事聞贈卹有差總督胡宗憲奏遣生員蔣
洲胡可願使倭裝傳諭渠魁令無犯順從之已而可
願等還言倭渠欲通貢市宗憲以聞下兵部集議不
可乃止倭圍廵撫阮鶚於桐鄉初鶚督學浙江聞

武林門納難民全活數萬人起擢廵方倭之寇嘉興
也鶚諶主勦而勦而胡宗憲致主撫不能倭自嘉
興轉寇相鄉氣益銳去來實徐海麻葉鎮之陳附焉
東薩摩王美書記也宗憲謀間之遣辨士說海之心
動私謀桐鄉守兵曰吾已疑督府矣城東門陳黨善
備之是夕海道崇德而西東方急攻桐鄉宗憲說海
縛府葉因偽為麻葉書致東令圖海故達海所東海
中自疑始解圍去
五月御史邵惟忠上言倭薄通州圍未解餼衆自狼
山轉掠瀕江諸郡縣而似儀為雷都門戶鎮常乃漕

運咽喉不可視為終圖直大集兵款諸臣戮力請
下兵部議請調河南睢陳及山東八衛陝西延綏兵
及倭師募兵款遣方望大臣一人總督以為犄角保
障曹都肅然之已年兵部侍郎沈良方矣嚴嵩揣知
上覽趙久華欺罔且見譴乃令久華自以其意請復
視師嵩為言良方不勝任江南人別顧俟久華至上
方乃止良方命久華以工部尚書兼右副都御史總
督浙直隸軍務久華既至浙假監督權凌脅百官搜
括庫藏百萬計兩浙江淮閩廣所在徵兵集餉雷漕
粟除京帑給醮課迫富民脫山惡浪授官職於是外

寇未寧而內憂蓋甚

六月倭入慈谿縣知縣柳東伯之初王師在浙計城
各邑未城者慈谿士人獨持不可至是倭衆大至知
縣不知所禦攜印組亡去殘殺民人無算而縉紳尤
甚始悔失計東伯失守當坐死以無城可憑削籍為
民省祭官杜槐與其父久明率兵追敗倭於王家園
海道劉起宗委防餘姚慈谿定海未幾與賊遇於自
沙一日三戰殺賊三十餘人斬其一師槐被創墜馬
死文明別將兵擊倭于演武場斬白眉倭師一從七
生擒二倭驚遁時~~五~~北將軍已而追至奉化楓樹嶺

以兵少無繼陷陣及倭薄海監指揮徐行健程祿百
戶方存仁逆戰死之
八月海寇徐海伏誅初胡憲以簪珥遺徐海侍女翠
翹綠珠令日夜說海縛陳東以報朝廷海且感而趙
久華方治兵擊海宗憲佯曰彼且縛陳東何戰為海
果助薩摩王勇縛東以獻于是海勢日孤海自念數
有功又信羅龍久誘約八月入謁督府于平湖海先
期以數百人曾而入宗憲久華鶚坐堂上海等叩罪
後謝宗憲宗憲下堂摩其頰曰朝廷且赦若慎勿再
虞厚犒遣之海既出知官兵大集自疑宗憲使之諭

之日官兵防東黨爾毋恐海請居東沈庄陳東居西
沈庄又令東詐為書遺其黨曰海約官兵夾勦汝矣
東黨果疑相攻海令裨將辛丑郎歸島宗憲密遣盧
鏗計擒之久華調兵六千既集移營薄沈庄督之急
宗憲猶心憐海不欲遽戰久華迫之宗憲乃下令與
總兵俞大猷整師前進海知事變掘深塹自守柵數
重官兵望之不敢入阮鶚檄趨之大猷乃從海鹽進
攻東沈庄破之又追擊於梁莊會大風縱火諸軍鼓
譟乘之賊大潰斬獲一千六百餘級海倉徨溺水死
引出斬其首制直海寇平海故枕之虎跑寺僧雄海

上稱天差平海大將軍至是捷書上久華皆襲內已
有帝命械繫首惡生京正法時浙東仙居浙西桐鄉
二寇略平其分掠海門者把總張成敗之江北寇流
入常鎮者總兵徐瑀敗之蘇栢寧紹相繼告捷兵部
奏久華功帝從元降敕令華還京諭平倭功加久華
少保宗憲右都御史各任一子錦衣千戶餘陸賞有
差倭俘麻葉陳東等械繫至京禮兵部講款俘從之
羣臣俱賀時倭畧平惟舟山賊據險結巢未官兵環
守之不能克諸狼土兵俱已遣歸而用費兵六千人
始至胡宗憲方留防春汛隸俞大猷經營舟山之賊

會夜大雪大猷乃積兵四面攻之賊悉銳出敵官軍
競進賊敗歸乃以掠棗捲火擲之賊四散潰出斬首
一百四十餘級餘悉焚死
三十六年冬十一月海寇汪直伙詐徐海等既死汪
直復糾衆三千餘入寧波山今港大掠四境汪直徽
人也宗憲亦徽人乃以犀帛厚賂誘之云若降吾以
若為都督置海上通互市乃迎直母與其子入杭厚
撫之而奏遣生員蔣洲往諭与之盟直信之遂自奮
言能肅清海贖死命與其黨毛海峰葉碧川等從蔣
未杭州洲至而直未至人疑其詐巡按周斯盛講罷

貢罪例於是逮例繼例乃陳諭倭始未及言直以誠
未其未至必風阻耳已而直果乘巨舟遣頭目數十
人隨來泊舟定海蓋初舟實為虺所損也宗憲使人
招直願見例方對理疑其能望不遣千戶夏正質其
舟直素與正善不疑遂請軍門請眾其言自效獻索
憲待以賓禮使指揮為其館主給輿夫出入復出蔬
米酒肉供餽其舟人日費數百金且交質為信因具
狀聞講赦之科臣王國禎方將不可疏入上謂直元
免不可赦宗憲乃密檄按察司收直雖就誅而三千
人皆直死士無所歸益恚恨復大亂

三十七年春二月倭犯潮州之鮑浦攻蓬州千戶所
僉事萬仞分部水陸兵馬東西哨攻之臨敵而哨兵
皆潰顧哨千戶魏岳高洪死尋犯福州巡撫阮鶚不
能禦取庫銀數万兩賂之以新造大舟六艘得載而
去

夏四月倭掠台州臨海之三石鎮約數千人總督胡
宗擊之倭攻福清破之執知縣葉宗久舉人陳
見率家僮禦賊不克與訓導郎中區俱罵賊死
五月自海口出港參將尹鳳引師擊之仇其舟七斬
首六十餘級生擒七人餘眾逃去鳳追擊東浩外洋

復敗之銳傷及弱水死者甚衆福興患少熄倭攻惠
安知縣林咸乘城禦之攻五晝夜不下壯死者數百
人倭亦矢亡相當乃引去咸率兵擊倭鴨山乘勝追
奪陷伏中死之倭方紀同安長樂漳泉諸處
秋七月浙江岑港海寇未平詔棄總兵俞大猷老將
戚繼光職期一月高平命胡宗憲督之初宗憲遣宅海
峰誘降五直至下獄海峰遂與倭目善妙等五百餘
燒船登岸列柵舟山沮岑港而守官軍四面圍之屢
斬獲然海中散苦毒霧賊遭高死嗣先登者多陷沒
新倭復大至冬十月岑港倭移巢柯梅胡宗憲屢督

兵討之不能克 兵備副使公擇禦海上屢破倭制
府以捷聞進山東參攸

三十八年春三月倭寇自冬山河全纜并諸處焚舟
登岸海道副使使譚綸與賊戰於馬圍敗之斬首七
十級 總督胡宗憲上言舟山殘孽移住柯梅即其
焚巢夜徒力已窮蹙勢易成擒而總兵俞大猷老將
黎鵬舉邀擊不力縱之南奔橋害閩廣宜加重治上
命選大猷鵬舉至京訊治時人言籍之謂倭之閩洋
也宗憲實陰遣之倭南行泊浯嶼焚掠居民由是福
建人大譟謂宗憲嫁禍御史李瑚數其三大罪瑚與

大猷俱福建人宗憲疑大猷漏言故委罪以自掩而
大猷不善滑刺素不為嚴世蕃所喜故有是逮廷臣
情大猷方共假貸得三千金廉世蕃不死罷職死大
同立功

夏四月江北倭趨通州總兵鄧成禦之不利指揮張
容被殺進據白浦鎮兵備副使劉景韶以遊擊丘陞
擊白浦千丁堰如阜海門三戰三捷賊謀犯揚州景
韶後督陞等以火攻其老營擊敗之焚死二百人賊
逸八藩家庄盡銳攻之先後斬首三百餘級初賊自
南沙登岸犯通州至是勦絕 廟灣倭合眾攻淮也

參將曹克新禦久戰於姚家蕩自庚至申大敗之斬
首四百七十級戰遁八姚庄縱火焚庄死者二百七
十餘賊退八廟灣拒守劉景韶督兵擊倭於印莊斬
首四十級賊西走次日復戰於新洲賊遁八民庄戊
兵以火攻之仇再戰斬方二百六十級賊悉焚死無
一人脫者時江北流倭悉殄惟廟灣據險固守不出
五月江北兵攻倭於廟衝其巢斬首四千我兵死傷
過當復退守之時賊營甚固巡撫李遂以我軍鼓戰
而疲宜圍守之賊乏食且水陸斷其行道可收全勝
通政唐順之以為玩寇乃自擐甲持矛麾兵以進屢

批戰賊終不出遂督兵入險賊盡銳東西衝殺傷相
當自是復稍出掠覓舟為走計乃駕言經田各三
川沙倭南去踰月倭困廟灣既久劉景韶督平填壕
塹逼壘而陳令水兵載葦焚其舟復水陸進擊倭潛
遁入舟官兵進據其巢追奔至瑕子港斬獲頗多餘
倭無幾不復能戰乘風開洋而去福建新倭大至
多資攻貝先攻福寧連江暹源流却各鄉進攻福州
不克移巧福安破之卷將黎鵬舉以舟師倭於海中
七里山屏嶼斬首六十六級生擒六十八人時沿海
長樂福清等境皆有倭舟廣東流倭往來詔安漳浦

間浙江舟山倭移舟南來者尚屯浯岫福州漳泉無
地非倭矣舟山倭屯浯岫經年至是乃開洋去其屯
海峰者復移衆南壘建屋而居永福倭移舟山之梅
花洋卷將尹鳳擊敗之巡撫樊獻科請趨胡宗憲應
援未及行巡撫阮鶚往勦之稍創

六月倭衆別部二十餘艘屯崇明三川沙總督胡宗
憲檄總兵盧鏜師之破之前後斬首百餘遁去宗憲
以捷聞兼唐順之贊畫叩擢詹都御史

秋七月三川沙倭突犯江北由海門縣七星港登岸
流劫過金沙西亭待犯揚州卷將丘陞禦之戰於鄧

家庄賊敗走仲家園復追至鍋團陞輕騎先進賊覘
無後繼盡銳來衝陞馬蹶被殺已而官軍大至賊遁
八月倭自鄧家庄敗後沿海覓舟不得官軍尾之於
劉家橋自駒沙請處倭餒甚奔庄我兵圍之時劉顯
兵至先登各營繼進縱火衝擊破其巢斬首二百餘
賊奔白駒沙追擊又敗之于七灶庄為墩共斬首四
百餘賊盡殄焉顯驍勇敢戰江北軍悉屬顯節制故
有功

三十九年春二月倭寇六十餘人流劫潮州等處時
浙直倭患稍息而閩廣警報日至

五月加胡宗憲兵部尚書兼右副都御史

四十一年春三月泉州指揮歐陽深率兵擊破之生
擒江一峯泉魁稍寧 倭陷福建永寧衛大大掠數
日而去復攻永寧城破之殺城中草氏焚燬幾盡
冬十一月建總督兵部尚書胡宗憲削籍從給事中
陸鳳儀之言也獄具罷浙閩總督大臣設右金都御
史巡撫其地

四十二年五月復建胡宗憲請京宗憲自殺是時大
計京官復有言宗憲未盡法者有肯建治宗憲至京
自殺宗憲在浙中與趙文華同事久華選悞不敢前

宗憲輒自臨陣戎服立矢石間督戰方倭圍抗時原
憲親登城臨視俯身堞外三司皆服慄懼為流矢所
加宗憲恬然視之殲徐海汪直皆有功然稍事久
華又握權太重勳臣總兵者由掖門通謁庭拜巡撫
悉聽節制如三邊例宗憲方得展而禍機亦萌此矣
上好玄脩宗憲進白鹿稱賀大學士高比之會嵩敗
被建時歸安茅坤上書頌其寃

冬十月倭犯福建其自浙之溫州來者合福建連江
賊登岸攻陷壽寧政和寧德等縣自廣之南魯來者
合福清長樂賊攻陷玄鍾所蔓延及于龍巖松溪大

由古由之境無非賊者初浙江參將戚繼光既連破
賊于林墩等處閩之宿寇盡平繼光引兵還浙遇倭
自福清東管輿登岸麾兵擊之斬首百八十級遂行
而倭臣者日衆始犯邵武殺指揮齊天祥轉掠羅源
連江殺遊擊倪祿遂攻玄鍾所城及寧德縣入之乘
勝直抵興化府城不克乃合兵薄城下圍之且西月
巡撫游震得以狀聞請詞義烏兵以繼光統之起丁
憂冬政譚綸與都督劉總顯兵俞大猷協力共濟上
從之

十一月劉顯率兵援興化顯大兵留江西勦廣寇所

提入閩率不及七百人且疲屢戰倭新至氣甚銳顯
知不敵乃去府城三十里隔一江按不進欲掩逗留
之罪遣五卒賚文請府約欲率兵赴城禦敵賊獲五
卒救之用其職衝偽為顯文克期入城約城中勿舉
火作聲恐賊警覺詐以五人為劉平賚入至期賊陽
稱顯兵入城人莫之疑賊既大入猝起捨殺城中驚
亂參政翁時畧參將畢高倉皇縋城走同知吳時亮
被殺賊遂據城中三閱月殺掠焚燬顯卒乘亂攫之
參政王鳳虛妻竟為顯掠去賊既飽欲始如平海衛
欲掠舟泛海去

十二月倭結巢崎頭城與都指揮歐陽深相拒久之
不出深望見兵少輕之直前挑戰伏發深與其下數
百人皆戰死賊乘勝陷平海衛事聞罷巡撫游得震
建參政翁時畧參將畢高劉顯坐觀望不救互叩自
贖倭引兵出海把總許潮元以輕舟抄之賊還屯平
海衛副總兵戚繼光督浙兵至福建與劉顯俞大猷
合擊倭於平海衛大破殲之斬首二千二百級墮崖
溺水死者無算福州以南諸寇悉平
四十三年春二月舊倭萬餘攻仙遊圍之
二月戚繼光引兵馳赴之大戰城下賊敗趨同安經

先督屢兵追至王倉坪斬首數百餘衆奔漳浦繼先
督谷消兵入賊巢搗斬畧盡固寇悉平其得出者逸
出境至廣東潮州有大敵又截殺之幾無遺類初倭
既自浙割歸嘗一犯淮揚吳越皆不利遂巢閩中首
尾七載所破城十餘掠子女財物數百萬官卒吏
民戰及俘死者不下十餘萬雖時有勝負而轉漕軍
食天下騷動至是倭患始息

谷應泰曰島夷亦服首見禹貢秦漢以來罕被倭
患蓋以其俗愛鮮華地多饒沃五州七道三島五
百七十三郡率皆樂土環以大海君臣自保不虞

慕中國也若乃海王元物居民仰食聖化所指有
無樵遷則又彼此咸賴高帝時士誠友定遺孽竄
伏北遼南粵歲被剗殘已而通謀逆臣伏兵市舶
帝乃閉關謝貢示弗復通然而創設市舶互市不
絕計深遠也後世識慮迂拍放矢舊典初開橫海
旋棄珠崖民競力雖吏鮮保障秦罔夜柝楚吏晨
疆勇士蹈險貪夫忘生於內地奸民勾引潛深海
邦賁倖藏匿不可勝計矣貧民勢豪驥貨負直窮
葵困頓進退谷且逃生木國未展波臣邊吏戒心
搜捕始急於是沿海不逞之徒陳涉刀耕鋸冢日

衆董業下第憤恚思兵稍之收聚倭裔窺竊上國矣
朱紘下車不畏疆禦窮治黨与少所報聞夫廣漢索
醉先求魏相李膺破柱不避黃門政求亂本雖得何
源禍發朝堂意悲虎尾紘死而朝首与海通交相賀
也臣畏禍海禁復弛浙東再亂王忬出督後大猷於
偏裨出盧鏜於獄中普陀一戰幾滅渠師游魂四潰
施掠江南而忬隨處邀擊頗多斬獲拾乃代頗騎還
易穀大功不終自古悲歎此間外有遙制之憂中樞
失內贊之功也嗣是天寵握兵乃棘門之見戲文華
祀海實天雄之誦經倭患愈劇張經再出經以功在

銅柱因而偃蹇凌轢度亦自大匹夫耳然視事一月
指揮群帥王江臣之捷賊兵霄遁史稱其兵驕將悍
或不諗人之蜚語獄吏之深文也文華行譖檻車入
國蓋左董未貽盧植徵還張讓交通王允下獄自古
未有小人同子而得割制成功者胡宗憲曲意主撫
因勦成功賄斬徐海誘擒汪直武安誘殺李廣誅降
臣致恨於封侯空悲冤於賜劍憲雖引双應無顏見
二賊於地下也憲才望頗隆氣節小貶側身嚴趙仰
冀成功耿乘因實憲勤勲在預子朝貴甚謹封疆之
吏周應折第乃爾耶在寇披猖禍延三省任環効命

曹都俞大猷經營兩浙滅倭光驅馳閩海類皆大國
于城足以滅此朝食而乃大戮亟行吏張不一了權
牽制流毒生民九閩無金城之任分宜少裴度之忠
群賢隕喪國子凌蕪固其宜也中丞張濂家居省會
牙在圍城訟言時子涕淚交頤觀其疏中所稱殘難
民之首以償縱斂之切而督撫可知移罰罪之典為
賞卹之年而篋樞可知軍法不重人無死志容兵掉
臂士無鬪心而卒伍可知嗚呼鄭監陳圖莫救當之
元身然而睢陽劍在已失今日之爰書矣

職方外記 西海文儒略增說東海楊廷筠彙記
海島之大者附載各國之後其小者不下千方難以
殫述大者在亞細有蘇門答臘日本浮泥最大在歐
羅巴者諸尼利亞最大在利未並者聖老楞佐島最
大在並塞利加者新以西地尼西最大在墨尼蠟尼
加者新為匿並最大而大平海中則有七千四百四
十島此外有石礁或見水面或隱水中水中者船極
畏之又有沙漏船值之則陷此時舟中盡寶雖
百萬金錢所不恤東湖至方得脫之否則斷無出理

歷代小史卷之九十六

許浩復商日記

永樂間倭賊二千餘人駕海船數十逼望海埭登岸
公令都指揮徐劉伏兵山下百戶姜隆率壯士先焚
其舟約以旗舉伏起砲鳴奮擊不用命者以軍法從
事倭至江披髮旗舉鳴砲伏盡起合擊倭大敗奔入
櫻桃園堅堡內乃開西南路縱之倭走江揮衆追
逐斬首千餘級生擒幾百人無人得脫者予聞封麾
下皆進秩先是遼東山東淮陽崇州太倉金山浙西
廣多被倭寇害但置備倭官軍自江捷後倭不復敢
窺烽堠雖置人終老不見驚江之功大美

倭漆画畧

扶菀

小史卷之九十三

秦和尹直嘗有瑣綴錄

有一藝人楊暄善倭漆畫畧號楊倭

知不足齋叢書第七集 皇侃論語義疏序

宋成平時日本僧奄然嘗獻鄭康成所注孝經乃中
國所亡失者是時但藏於祕府外人莫得見久而其
書復亡嘗憶當時在廷久孝諸臣曾莫為意夫能使
之流傳世間抑何其蔑視先代傳注如土苴之殺不
足貴而輕為棄絕之也先是周顯德中新羅亦嘗獻

歷代小史卷之九十六

許浩復商日記

永樂間倭賊二千餘人駕海船數十逼望海埭登岸
公令都指揮徐劉伏兵山下百戶姜隆率壯士先焚
其舟約以旗舉伏起砲鳴奮擊不用命者以軍法從
事倭至江披髮旗舉鳴砲伏盡起合擊倭大敗奔入
櫻桃園空堡內乃開西南路縱之倭走江揮衆追
逐斬首千餘級生擒幾百人無人得脫者予聞封麾
下皆進秩先是遼東山東淮陽崇明太倉金山浙西
廣多被倭寇害俱置備倭官軍自江捷後倭不復敢
窺烽堠雖置人終老不見驚江之功大矣

倭漆画畧

歷代小史卷之九十三 秦和尹直嘗有瑣綴錄
有一藝人揚暄善倭漆畫畧號揚倭

知不足齋叢書第七集 皇侃論語義疏序

宋成平時日本僧裔然嘗獻鄭康成所注孝經乃中
國所亡者是時但藏於秘府外人莫得見久而其
書復亡嘗憾當時在廷久孝諸臣曾莫為意夫能使
之流傳世間抑何其蔑視先代傳注如土苴之殺不
足貴而輕為棄絕之也先是周顯德中新羅亦嘗獻

別叙孝經亦云即鄭注乃皆得自外國而施氏之豈
不惜哉向見錢遵王所記誦論異文云傳自高麗其
本世亦罕見吾鄉汪望懷氏常往來瀛海間得梁皇
侃論語義疏十卷於日本足利孝申其文与高麗本
大略相同彼國亦知中夏之矢傳矣其扶微奉墜之
意懇々以大其傳而不為一邦之私秘此其所見誠
卓而其意識公夫孰得而小之也哉新安鮑以文氏
廣購異書得之喜甚顧剞劂之費有不逮浙之太府
聞有斯奪也慨然任之且屬鮑君以校訂之予於是
不外求而事已集既而大府以他事獲譴死名不彰

人曰是鮑子之功也以文曰君無其實敢冒其名乎
謂文弢曰是書梓成時未為之序者人率未知其端
末失是書入中國之首功則任君也使天下孝者得
以家置一編則大府之為之也春秋褒毫毛之善今
國法已伸而此一編也其功要不容沒子幸為之序
而并及之使吾不尸其功庶幾不為朋友之所譏責
吾始得毋焉以文之命意也如此用是據實書之若
天皇氏此疏固不全羨然十三家之遺說猶有託以
傳者為醇為疵讀者當自得之如或輕如掎摭是又
闕天下以廢素之端也吾其忍手哉乾隆五十三年

元夕前一日抗東里叟廬文昭書

知不足齋 第一集新刻古文孝經孔氏傳序

表章遺旨莫先於經近代之偽撰者若張高英古三墳書若衍晉文春秋楚檮杌豐坊于夏詩傳中詩說之類其言本無百采而好事者為傳之此則過也然如張霸之白兩篇時君既知其偽撰矣而愛其久辭亦使之流傳於世連山歸藏古無著錄而隋唐志始有之今見於諸書所引用者大類班駁可喜子夏易傳是於陸德明孔穎達李鼎祚所引者於訓詁各

物為詳相傳以張瓚偽作瓚唐人也陸孔諸人寧有不知而肯輕相承用乎此必有所由來然如今通志堂之所收者則又并非張瓚之曰矣使此數卷而在亦焉得不為傳之孝經有古今文鄭康成注有今文也孔安國傳者古文也五代之際二序並亡宋雍熙中嘗得今文鄭氏注於日本矣今又不傳新安鮑君以文篤孝好古意彼國之尚有是書也屬以帝易徑者訪求之觀鄭氏不可得而所得者乃古文孔氏傳遂携以入中國此書也迄殆及千年而一旦復得之此豈非天下孝之同聲稱快者哉鮑君不以自私

亟付剞劂而以其本亦在余按傳久以來如之間
居靜而思道也則陸德明引之矣脫衣就功暴其肌
體云云則司馬負引之矣上帝亦天也則王仲邨引
之矣其文義典核又與釋文會要同唐書所載一
第會必非近人所能撰造然安國之本亡於梁而復
顯於隋當時有疑為劉光伯所作者即鄭注人亦疑
其不出於康成雖然古書之留于今日者有幾即以
為光伯所補綴是亦何可廢之蓋其文辭微與西京
不類與安國尚書傳體款亦別又不為漢惠帝諱盈
字唯此為可疑耳漢桓譚唐李士訓皆稱古孝經十

八百七十一言此則日本所傳按前有大畢純序所
謂不以宋本改其國之本是也唯是章首傳云孔子
者男子之道稱也仲尼之兄伯尼十五字斷屬訛誤
因下有曾子者男子之通稱語而誤曾為孔當為衍
文仲尼之兄自字孟皮安得同字且於本文亦無所
當此當為後人誤入無疑全所以致辨者恐人因開
卷一二齣語遂尋可信者而亦疑之則大非鮑君競
之扶微振墮之本意矣故備牽其左證於前以明可
信且尚書傳朱子亦以為不出於安國安在此書之
必與規之相似也然其誤入者則自在讀者之善擇

矣德水盧氏嘗刻尚書大傳周易乾
度等書流布
未廣其家被藉之後板之在否不可知此皆漢氏遺
文好古者所當愛惜若能与此書並壽諸梓以為衆
書冠冕譬之夏彝高鼎必非柴哥官汝之所得而存
量矣前朝所刻書多取偽者今皆取其真者不益以
見國家久教之美 朝野相成為足以度越千古
也哉 乾隆四十有一年秋七月東里盧久怡序於
鐘山書院

新彫古文孝經序

活船至日本訪求以歸吾友鮑君以文得之甚喜遂
刻入知不足齋叢書間以年言為屬奪因寡陋敢惟
擬編緒以俟世之明經者正焉序曰孝經一書經緯
三才紀綱五行誠聖門入德之首務故何休稱子曰
吾志存春秋行在孝經此鉤余決之言也 遭春咸季
為河間人顏芝所藏漢初芝子負出之凡十八章鄭
康成為之注是為今文孝經又魯共王使人壞夫子
講堂於壁中得古文尚書及孝經二十二章魯三老
孔惠諸獻京師孔安國為作傳所謂古文孝經者也
遭巫蠱事未之行自晉至梁孔鄭二家並立於孝其

後梁亂孔傳獨亡隨秘書監王邕于京師訪得之以
示河間劉炫。因序其得喪述其義疏為誓疑一篇
當時學者習於鄭注頗疑孔傳為炫所自撰唐開元
中詔議孔鄭二家史官劉知幾請行孔廢鄭諸儒非
之卒行鄭學迨明皇御注出而鄭氏亦幾于廢蓋序
所云列炫明安國之本陸澄議康成之注有誠篤論
也五季喪亂孔鄭一家並亡宋雍熙初日本僧奝然
以鄭注孝經來獻中王始有其書而孔傳卒不可得
按宋三朝藝文志云周顯德末新羅獻別序孝經即
鄭注也然歐公五代史記謂新羅自晉以後不復至

中國而奝然子則見於宋史日本傳斯為可信第不
解奝然當日何不以孔傳俱來豈是書在彼國中亦
所秘邪日本傳又累言其國大宰府遣人貢方物或
收得其牒今序刻是書之大宰純未詳為何如人日
本多世職大宰純豈猶其苗裔或以官為氏者乎惜
乎十萬里之彼濤難盡不易同耳書中經久視世所
傳古文孝經不同者如父母生之續莫大焉作續莫
大焉故親生之膝下作故親生毓之与斑孟堅謂諸
家說不安必古文字讀皆異正合中心藏之作忠以
藏之以中為忠亦与陸德明經典釋文合以是知果

儒所傳之古文孝經猶未能無十差誤而騫更有以
證前人之失者安國作傳實在孝武之世乃許仲以
古文孝經為昭帝時魯三老所說老安國之卒在天
漢以前安得昭帝時猶能作傳今觀安國原序始知
三老所獻即孔壁所出也或曰然則此書出于安國
之手始的然可信矣乎曰是未易以一言斷也昔古
久尚書傳于東晉後儒猶辨論紛紜疑信參半况孝
經孔傳之見于今日者大抵其出愈晚則其疑益
甚此亦世俗之恒情然而洛陰之昂詎必非九收之
全所謂若疑其疑如信其信耳嗟乎是一書也危于

秦巫蠱於漢亡於梁詳於隋聚詔於唐散佚于五代
自有經傳以來其吏歷患難屢興而屢墮者疑莫有
甚於此矣夫孰知數百年而後一旦復出於瞽古右
文之朝而所謂鄭注者反漸成而不可復稽豈非孔
曾之靈有以默為呵護直俟 至治之世後著欽傳
曰孝經之至通於神明光於四海無所不暨于斯益
信而以文搜訪之勤遠周海外其有功於斯道又豈
左類貞孔惠諸人之並哉 乾隆四十有一年歲次
丙申暮春之吉海昌吳騫謹序

